

DURNYAŃ KIKE BE KEYILI KPRA TA LAŃE DIMEDI KIKE BE KUMU SO BE ASHYEŃ NĚ MOBE KASHINTEŃ AKPA

ASHEŃFESO

Kepin nĚ kemaŋkura, dimedi be eyilikpa nĚ mobe kumu so be asheŃ e la mobe kashinteŃ nĚ eyur-wushi be egbel-tulwase.

Kedo nĚ kekplaŋ dimedi be kashinteŃ ere so e naa bra barkoŋe, a duu mfera lubi dimedi be kumu to, n naŋ shi nĚ durnyaŋ to dimedi bu kebaa malga yelyela, eboreshuŋ, kayeŋi-yeŋi nĚ kanye kii asheŋ kpakpa so bebolpo kuto.

Ku daga fane awura-sheŋ be mbra ka bee kuŋ dimedi be kashinteŃ n sa maa shi nĚ eko maa kini mo barkasa nko a nyaŋ mo.

A daga keteŋi efuli-ana be kakurwe kelepo so.

Yunated Neshin be baasa sa yerda kawol to ta a laŋe baasa be kashinteŋ-kpra nĚ bumode eyilikpa nĚ bu tiŋ teŋi bumobe kachena nĚ kebawoto lala be akpa so.

Efuli-ana nĚ a wo koŋkoŋwole ere to bo ntaŋ fane baŋ pe abar be nsher to n nya bunyaŋ nĚ kemaŋkur kashinteŃ ere to.

Ekama be kepin kashinteŃ nĚ kumu so be asheŋ ere e la demu kpra nĚ ku been che to n teŋi ntaŋ ere so. Naniere, kumo so.

Durnyaŋ kike be nsher gboŋ nna yili dimedi kike be kumu so be asheŋ nĚ kashinteŃ ere.

Amuso, Kamalga ere to

BEE ŃINI FANE "GENERAL ASSEMBLY" BEE

Kaŋe ekama fane kayili nĚ kuwo kawol ere to la amo nĚ a been woro anfaani nsa ekama mo ne ewo efuli nna so. Ekama nta n-ya mata durinya kike be mmalga yiliso so. Adaga efuli kike eshuli n sa kamalga mo nĚ kuwo kawol ere to nta kumo nki kapate nsa anye. Nsa nĚ kamalga ere eluri efuli kike nene: epeŋi petekpa, epeŋi-torkpa, banaso, jisaso kuso nĚ adaga anye kike ewuro nna ela.

Demu 1

Bu kurwe dimedi kike mobe kumu so, nĚ mobe, eyilikpa, kesheŋ nĚ kashinteŃ maŋ kor eko peye to. Nyinpela sa dimedi kike lakal nĚ mfera fane bu chena abarso kelepo so.

Demu 2

Ekama ko ekpa ta a laŋe kashinteŃ ere kike nĚ kumu so be asheŋ nĚ a wo keyili kpra ere to nĚ nkpieto kike maŋ woto ashi yiri, kawol be ndu li, kenyeŋ/keche, ngbar, ebore shuŋ, kumu be kekeni nko lakal ko, efuli so nko kebawoto be ekpa so, kapitē, kakurwe nko eyilikpa ko be kabaso.

N naŋ tii so, nkpieto kike e sa maŋ woto ta a yo kumu be kekeni to,

demu-ji to, nko efuli nɛ fo shi be eyilikpa durnyan to nɛ lon be efuli nna suwe kumo kumu a keni kumo kumu so, nko efuli ko e naa keni kumu so ekpa ko so.

Demu 3

Ekama kɔ kashenteen nɛ mobe efute nɛ mobe kumu be kekun.

Demu 4

A man daga nɛ eko e baa wɔ kenyan nko kanyan to. Kenyaya, kenya-to nɛ kenya-fa be ekpa kama so daga ku ju.

Demu 5

A man daga bu ka nyan eko nko n wɔto mo ebasa to, nko n gberge mo kusoe.

Demu 6

Ekama kɔ kashinten, kapɛ-kama nɛ e wɔ nɛ bu pin fanɛ esa e la mo mbra be ekpa so.

Demu 7

Ekama na la kukonwule nna mbra be ekpa so, a daga nɛ mbra na e kun ekama nɛ nkpieto man wɔto.

Demu 8

Ekama kɔ kashinten nɛ bu yolge mo ashi efuli na be demu-ji akpa nɛ e ya dɔ kashinten kpra nɛ mbra yili mo nna so.

Demu 9

Ekama man daga nɛ bu pɛ mo jiga-jiga so, nko nɛ bu tii mo ebu nko n ju mo jiga-jiga so.

Demu 10

Ekama kɔ ekpa nɛ edemu-ji kpa nɛ a wɔ amobe amu so, a maa kpɛ to na nɛ a mige mo to nɛnɛ nɛ jama kikɛ e nu ta a lanɛ mobe kashinten, ashen daga so nɛ kusoe gberge nɛ ban sa mo.

Demu 11

Ekama nɛ bu fa fo, fo kɔ kashinten nɛ fo keni kefa nna, amɔ bu ji na mbri fo mbra be ekpa so jimaa to nɛ fo man tin chɛ fo konɔ.

A man daga nɛ bu fa ekama nkpɔl keshen nɛ ku man daga kusoe gberge so ashi efuli na nko efuli-ana kikɛ be mbra so, sanɛ nɛ e wɔto la be keshen na. A man nan daga nɛ bu gberge esa kusoe nɛ ku baa cho kumo nɛ bu junkpar n sa mo sanɛ nɛ e wɔto lon be keshen nna.

Demu 12

A man daga nɛ fo luri fo barkasa be ashen to jigajigasɔ, mo dawule, mobe keyale nko mobe kebaya akpa, nko nɛ fo tige fo barkasa be jilma nɛ mobe

eyilikpa so. Ekama kɔ kashintɛn nɛ mbra na e kuɲ mo ashi baasa be kebaa luri mobe asheɲ to nɛ ketige nko nduwe mobe jilma so.

Demu 13

Ekama kɔ kashintɛn nɛ e baa nite mobe kumu so yɛlyɛla n naɲ tiɲ chena mobe efuli so.

Ekama kɔ kashintɛn nɛ e ler efuli kike so, nɛ mobe efuli so gba n naɲ tiɲ m beta m ba mobe efuli so.

Demu 14

Ekama kɔ kashintɛn nɛ e yɔ efuli ko so n ya mɔlwe mobe kumu.

Nɛ bu fa esa kumobe ekpa so nkpaɔ ashuɲ lubi nɛ e maa liɛ efuli na be kumu be kekeni be ekpaso nko asheɲ nɛ a bee dɔɔ kɔnɔkɔɲwule be mbra na so, le be kashintɛn maɲ wɔtɔ.

Demu 15

Ekama kɔ kashintɛn nɛ e shi efuli ko so.

A maɲ daga kekini eko mobe efuli so be keshi jiga-jiga nko n kini mobe kecheɲga efuli nɛ e shi na so.

Demu 16

Benyeɲ nɛ beche ya bulɔ, bu kɔ kashintɛn nɛ bu kil n taɲɛ kanaɲ nɛ sheɲ maa kuɲ bumo faɲɛ yiri, efuli nɛ bu shi na so, nko kanane baa bunyaɲ ebɔɾɛ. Bu kɔ kashintɛn koɲwule ashi kakil to nɛ kakil gbeni so to.

Pɔɛ nɛ baasa e kil abar, a daga nɛ bumo-wura-ana be kenyi kike e baa wɔ kakil na to.

Kanaɲ la ebɔɾɛ so be kesheɲ na n naa la baasa to be katuɲ junkpar po nɛ a daga nɛ jamaa nɛ efuli kike e baa kuɲ kumo.

Demu 17

Ekama kɔ kashintɛn nɛ e baa kɔ mobe kumu so be kapite nko mo nɛ mo bra-ana.

A maɲ daga kepuni nko m mɔn eko mobe kapite.

Demu 18

Ekama kɔ mobe kumu so be mɛɛra be kashintɛn, lakal nɛ kanane e bee bunyaɲ ebɔɾɛ. La be kashintɛn tii mobe kecheɲga kanane e bee bunyaɲ ebɔɾɛ nko mobe yeɾda, nɛ mobe kumu so be keshuɲ ebɔɾɛ-shuɲ mo nawule nko mo nɛ mo bra-ana.

Demu 19

Ekama kɔ mobe mɛɛra nɛ kamalga be kashintɛn. La be kashintɛn tii kumu so be mɛɛra be kefe nɛ sheɲ maa kuɲ mo, e naa kɔ mobe kashintɛn nɛ e fin, n nya nko n sa keɔaya nɛ lakal ekpa kike so nɛ mbarga kike maɲ wɔtɔ.

Demu 20

Ekama kɔ mobe kashintɛn nɛ e ba wɔ kagbenewushi be nshɛr to.

Bu maa nyan eko a wɔtɔ nshɛr ko to.

Demu 21

Ekama kɔ kashintɛn nɛ e baa wɔ efuli so be awura-shɛn to mo gbagba nko nɛ bu lara ba sa yɛlyɛla so nɛ bu yili bumo be ntilemu.

Ekama kɔ kashintɛn nɛ eji mobe efuli so be kusɔnɛ ku la ekama peyɛ be tunɔ kananɛ eko gba beɛn ji kumobe tunɔ nna.

Baasa be aparshɛn a daga a ka la awura-shɛn be egbel tulwase la be aparshɛn daga nɛ a shi saɲɛ saɲɛ be kɔnkɔn be kelɛ kashintɛn be ekpa so n naa la ekama be kesheɲ nɛ baa lɛ kɔnkɔn nna kegblanto nko kumo nɛ ku be kɔnkɔn be kelɛ be mbra so.

Demu 22

Fo kama nɛ fo wɔ baasa to, fo kɔ kashintɛn nɛ baasa e kuɲ fo, a daga nɛ fobe efuli so nɛ efuli-ana kike ka pɛ abar be kashɛr to, efuli-ana be keblase to nɛ amobe kapitɛ be albarka to nɛ fo nya eyilikpa nɛ nanƙur nɛ ku daga fo dimedi nɛ dankare be ekpa so.

Demu 23

Ekama kɔ kashintɛn nɛ e shuɲ kushuɲ, nɛ e fin mobe kumuso be kepar ke Kushuɲ n nan shuɲ kushuɲ mbra be ekpa so n nan kuɲ mobe kumu ashi ketase fulon to.

Ekama kɔ kashintɛn nɛ bu ka mo kakɔka koɲwule nɛ kushuɲ koɲwule nɛ nkpiɛto kike maɲ wɔtɔ.

Ekama kɔ kashintɛn nɛ e ji mobe kushuɲ be tunɔ, mo nawule nko mo nɛ mobe keyale nɛ e naa wɔ kebawɔtɔ nɛ ku daga dimedi, n nan fin kechɛto ko nɛ ku daga ashi baasa kutɔ.

Ekama kɔ kashintɛn nɛ e baa wɔ beshumpo be kɔnɔkoɲwule to nɛ bu baa kuɲ mobe aparshɛn.

Demu 24

Ekama kɔ kashintɛn nɛ e wushi ashi mobe kushuɲ akpa nɛ mobe ketase fulon to, kushuɲ na be jemanɛ e sa maɲ pɔɔ eshumpo na so nɛ e nan nu ebel ashi saɲɛ saɲɛ be ewushi nɛ ku kɔ kakɔka.

Demu 25

Ekama kɔ kashintɛn nɛ e ba wɔ kebawɔtɔ lɛla to, mo nɛ mobe keyale, ta alaɲɛ eyur be alemfia, ajibi-ji so, asɔ-buuso, kowu chena so to nɛ kusɔ kama nɛ ku la jamaa peyɛ, e naa kɔ kashintɛn nɛ e kuɲ mobe kumu saɲɛ nɛ e maɲ naa wɔ kushuɲ to, nɛ e ka wɔ kulɔ to, nɛ kekulwu to, nɛ kenimu to nko kebawɔtɔ ko nɛ ku maɲ duli mo.

Kenio to nɛ kebia to, kike daga kekeni so nɛnɛ n nan daga kechɛ to. Mbia

nε bu kurwe kakil to nko kejipo to daga kakun konwule.

Demu 26

Ekama ko kashintε nε e nya kebala nε kabii. Kebala nε kebii daga nε bekekarso na e nya kumo yelyelya. Kebala nε kebii kekarso been ba la boshinε. A daga ekama ka nya eno to nε bronι be ashun be kebala nε kebii; benimu malε be kebala nε kebii malε daga nε ku bε kenyi so.

Kebala nε kebii been lie dimedi be eyur kudu-anyo kike, n nan woto elen to, jilma ta a lanε dimedi be kashintε nε mobe kumu so be ashen kpra ere. Ku been teni kenu-n-sa-abar so, kanyiti nε kenakpa efuli-anan to, yiri nko ebore be beshumpo be ntunso-ana to, n nan teni. Durnyan be efuliana be konkonwule be kebawoto kike nε kanbene wushi e baa woto.

Benawura-ana ko kashintε nε ekpa nε bu lara kebala nε kebii be ekpa nε ku daga bumobe mbia.

Demu 27

Ekama ko kashintε mobe kumu so nε e tin woto mobe baasa be adankareshen n nan tin ji adankare be aso lonε so nε kabre be kache be kinishi buwi be kenyi be tuno.

Ekama ko kashintε nε ekpa nε e kun mobe kumu so nε kebelen be kushun.

Demu 28

A daga nε ekama e nya dimedi nε efuli-ana kike be kebawoto, nε kashintε nε kumu so be ashen nε a wo keyili kpra ere to e kurwe ebi lεla.

Demu 29

Ekama ko mobe kushun baasa to, bumo to nε e bee kii esa lεla.

Nε esa bee bo mobe kashintε nε kumu so be ashen so a daga nε e baa de mbra so, sanε na so e maan tor mo barkasa ko be geshi to, lon e been woto kusone ku daga nε ashen e bε abar so nenε nε ye-nε-n-ye be kebawoto e nya edesekpa baasa to.

Kashintε nε kumu so be ashen ere man daga ku woto amo m foe ekpa kananε durnyan be efuli-ana be konkonwule yili kumo nna.

Demu 30

Shen man wo kawol ere to a nini fanε efuli ko pkelen, baasa nko esa ko dawule peye nna, amoso eko man ko ekpa nε e woto keshen ko nε ku been jija kashintε nε kumu so be ashen nε a wo kawol ere to.